

ЛАТОФАТ ТЕМИРОВА

ЮРАГИМДА ИШҚ ЯШАР


ШЕЪРЛАР

Тошкент
«Янги аср ақлоди»
2006

84(55)6-5 Ўзбек адабиёти асарлари
Шеърлар

*Латофат – латофатли шеърлар ёзгиси келади. Юрагини очиб,
ундаги сўзларни сочишни истайди. Қалбидаги тўфонлар овозини қогозга
тўширади, уни англамоқ дардида ёнади.*

*Албатта, кўнгил тўфони бошқа, шеър бошқа. Лекин, энг муҳими
тўғрилиқ. Алалхусус, Латофат Темирова тўғриси ўз шоира.*



ISBN 5-683-01941-5

© Латофат Темирова, «Юрагимда ишқ лира».

«Янги аср авлоди», 2006 йил

Ю 32481
081

ВАТАНИМ

Оналар бағридай илиқ қўйнингда,
Бахт напғасин сурдим тинч ва осуда.
Улғайдим, ўстирдим фарзандларимни,
Ватаним, суяндим сенга ҳамиша.

Ғам-ташвиш тортмадим олам ғамидан,
Зар унар ерингдан, тутдинг ризқимни.
Сендан ғурурланиб дунёга боқдим,
Ватаним, суяндим сенга ҳамиша.

Ўзга эллар қойил қолди номингга,
Олам аро топган шуҳрат шонингга.
Ўзбек номи дoston бўлди жаҳонга,
Ватаним, суяндим сенга ҳамиша.

СУРХОН ҚИЗИ

Палахмоннинг тоши бўлиб отилган қиз,
Сурхон элдан Шаҳрихонга сотилган қиз.
Ошиқ қалбин суйганига фидо қилиб,
Зар водийда фарзанд бўлиб севилган қиз.

Жигарларин соғинчига чидолган қиз,
Армонларни бахти билан тўсолган қиз.
Сурхондарё тоғларида чорлар бир ҳис,
Икки ўтни орасида ёнар шу қиз.

Палахмоннинг тоши бўлиб отилган қиз,
Юрагидай ловуллайти кўкда юлдуз.
Кўнглин очиб ёйиб қўйса дарё бўлар —
Унда тўлқин отиб ўтар хотиралар.

* * *

Ўн беш кунлик дунёда дўстим,
Гуноҳлардан чўчиб яшайман.
Ортдан сўзлаб олманг гуноҳим,
Охиратим ўйлаб яшайман.

Гуноҳ бўлса юрган йўлларим,
Ноўриндир айтар сўзларим.
Юзга айтинг ордан сўзламай,
Охиратим ўйлаб яшайман.

Айбларимни санаманг бир-бир,
Ғам емайман менга барибир,
Ўзингизга боқиб қўйинг бир,
Охиратим ўйлаб яшайман.

Ҳар қадамим Оллоҳга аён,
Кечмишларим пешонада бор.
Кечиргучи ёлғиз ўша ёр,
Охиратим ўйлаб яшайман.

ҲАЁТ

Бунчалар ҳам ажибсан ҳаёт,
Аламлардан кўксимдир ғамнок.
Қувончларга тўламан, ҳайҳот,
О, сени юракдан севаман ҳаёт.

Айрилиқлар кўксим тилганда,
Кечмоқ бўлдим сендан бир лаҳза.
Ғам ортидан келганда шодлик,
О, сени юракдан севаман ҳаёт.

Яхши кунга қилиб шукурлар,
Дил уйини қиламан обод.
Ҳар не келса айлаб сабрлар,
Талпинаман, о, сенга, ҳаёт.

ТАВАЛЛУД КУН

Сени кутаяпман, ёмоним,
Ахир йўқми зарра имконим.
Унутдингми, бепарвогинам,
Сени дея яралган оним.

Дўстлар қутлар, тутиб гудаста,
Яқинларим боқар ҳавас-ла.
Дилни овутолмас юпанчлар,
Кўнгил – соғинч деган қафасда.

Асло умид узолмам сендан.
Жисмим бунда, юрак-чи сенда.
Нигоҳларим боғланган тушун,
Бизни учраштирувчи кунга.

Сўнгги умидларим бўлди чилпарчин,
Шунчалар бағритош экансан, ёрим.
Нечун кўнгил қўйибман, нечун,
Сенсиз ғамга тўлди таваллуд куним.

* * *

Ўйланиб қоламан боқиб сизларга,
Барчадан камчилик излаб топасиз.
Бирдайин ёқмайди яхши ҳам ёмон,
Кимсизки, қалбларга тиглар отасиз.

Кулиб юрганларни сўз-ла қўймайсиз,
Қовоқ уйганларни ғийбат этасиз.
Сўзласа, сўзидан камчилик топиб,
Сукут сақлаганга тошлар отасиз.

Дунёга не бердим, демайсиз, аммо
Инсонлар ишидан иллат топасиз.
Лоақал бир оғиз ширин сўз демай,
Яхшилар дилига озор берасиз.

Бу дунё боқиймас иккимизга ҳам,
Қилган ишимизга жавоб топамиз.
Бир бор назар ташланг қадамингизга,
Афсус қилиб қолманг умр сўнггида.

СЕВИБ ҚОЛИБСАН

Кўзларингда рашк, алам, фироқ,
Сўзларингда ноз, араз, ишва.
Хаёлларинг ўзгада турса,
Йўқ демагин, севиб қолгансан.

Ярим-ёрти чиқса сўзларинг,
Жовдираса гирён кўзларинг.
Зериктирса эзма дўстларинг,
Сен севгансан, севиб қолгансан.

Юрагингдан кетса ҳаловат,
Ҳеч нарсага қолмаса тоқат.
Яширмагин, ийманма фақат,
Сен севгансан, севиб қолгансан.

ҚАЙНОНАЖОН

Келин келди уйингизга ойдаин,
Кўкси узра орзулар осмондаин.
Ўғлингизга мос тушибди, бир қаранг,
Қайнонажон, меҳр беринг қиздайин.

Ҳовлингизда учиб-қўниб юрибди,
Фариштадек қаршингизда турибди.
Хато қилса қўйинг, ёшлик қилибди,
Қайнонажон, меҳр беринг қиздайин.

Яхши деса, ёмон яхши бўлади,
Бағрингизда бир навниҳол ўсади.
Онажони хавотирда туради,
Қайнонажон, меҳр беринг қиздайин.

Тилни тийинг, дилига гард қўндирманг,
Кўксидаги ишқ шарорин сўлдирманг,
О, бу санам бахт улашар ҳаммага,
Қайнонажон, меҳр беринг қиздайин.

Ўғлингизга эга бўлса, яхши-ку,
Ўтмишингиз эсланг, бари қайтди-ку.
Бир ўғлингиз кўпайиб ўз-ўзидан,
Уйингизга набиралар тўлди-ку.

Бир кун келиб қуюлиб ҳам қолади,
Тутумингиз буткул қўлга олади.
Қараб туринг, бари гўзал бўлади,
Қайнонажон, меҳр беринг қиздайин.

ЎКИНЧ

Миш-мишларни қурбонимиз иккимиз,
Гийбатлар ғалаба қилди, начора.
Оқибат, мозорин кўрдик севгимиз,
Энди сен бенажот, мен ҳам бечора.

Айрилиқ қўрқитмас, кўниб яшаймиз,
Ишқни бағримизга кўмиб яшаймиз.
Биламан, аламлар емиран қалбни,
Биз энди баридан тониб яшаймиз.

МЕНГА ЎРГАТ

Менга ўргат ишқсиз яшашни,
Муҳаббат у ёрдан кечишни.
Ҳижронларга топширмай қалбни,
Севги ўтин гоҳ ўчиришни.

Менга ўргат дўстсиз яшашни,
Садоқати йўқдан қочишни.
Меҳрим увол қилмай бекорга,
Доноларни улфат тутишни.

Менга ўргат сабр-бардошни,
Ғам ютса-да мағрур боқишни.
Жигарларим меҳрсиз бўлса,
Оллоҳимни паноҳ тутишни.

Менга ўргат ёлғиз яшашни,
Бу дунёдан ногоҳ кечишни.
Ёлғон дунё ғавғоларидан,
Чин дунёга рихлат этишни.

ОНАЖОНИМ

Ҳар лаҳзада дуойингиз қўмсайман,
Нур сочувчи юзингизни излайман,
Ҳидларингиз армон ила эслайман,
Онажоним, сизни қўмсаб яшайман.

Ташвиш тортсам фарзандларим ғамида,
Қувонтирса бахт ва омад сурури,
Саодатта чулғанган ҳар онимда,
Онажоним, сизни қўмсаб яшайман.

Гоҳида шод, гоҳи ғамгин юраман,
Дўсту душман қуршовида бўламан,
Соғинчимни кўз ёшим-ла юваман,
Онажоним, сизни қўмсаб яшайман.

* * *

Аёлни баҳорга ўхшатгим келар,
Гулдайин очилиб, ифорлар сочар.
Нозлари ярашар, арази ёқар,
Лаҳзада кечириб, шод бўлиб қолар.

Севса, ёри учун жонидан кечар,
На жондан, бор йўғи шонидан кечар,
Тутқазар қалбини ёрга майдалаб,
Баҳордай дилларга шодлик улашар.

Аёлни баҳорга ўхшатгим келар,
Сочади кўкламдай ифорларини.
Гоҳида атиргул каби очилар,
Тарқатиб дунёнинг ғуборларини.

АРМОН БЎЛСИН ЁР

Кўнглимдан чиқариб бўлганман сизни,
Юракдан ўчирдим мен исмингизни.
Энди эсламайман билсангиз сизни,
Афсуски, армонлар энди сизга ёр.

Қадримни билмаган малак эдингиз,
Севгимни ер билиб, осмон ўзингиз,
Кечсам-да, кечмайди, деганмидингиз,
Афсуски, армонлар энди сизга ёр.

Сизда йўқ соддалик безайди уни,
Нафислик, ҳалоллик кўзгуси дилни,
Унинг садоқати лол этар мени,
Афсуски, армонлар энди сизга ёр.

Қалбимда не бўлса бераман унга,
Тоза тилакларим тилайман унга,
Ҳаётин қувончга қўшгум биру бор,
Афсуски, армонлар энди сизга ёр.

ЁШЛИГИМ

Хаёлларга чўмиб бораман,
Болалигим ўтган кўчадан.
Ним табассум инар лабимга,
Хотиранинг сирли кучидан.

Дутоналар йиғилиб ҳар кун,
Ким ўзарга чопишар эдик.
Ариқларда оқизиб кулча,
Мазасидан роҳат топардик.

Мурғак эдик, шамолдек бебош,
Ўйин тушиб, қўшиқ айтардик.
Соч попуқлар тақиб сочларга,
Орзулар-ла тўлиб тошардик.

Хаёл суриб бораман аста,
Не йўқотдим ва топдим дея.
Ўраламан сўнгсиз ўйимга,
Ўзни қўлга оламан аста.

У кунларга бўлсайди қайтиб,
Онам ёпган кулчадан тотиб –
Жигарларим қайноқ меҳрига,
Висолига тўёлсам қониб.

Катта бўлмоқ бунчалар қийин,
Ёшлик, сендан узоқлаб кетдим.
Ками битмас ёлгон дунёдан,
Сочларимга оқ тола топдим.

Қаршилабман бугун қирқ ёшни,
Товонгача етар титроғим.
Талпинаман болалик, сенга,
Қайтиб бўлмас оппоқ булоғим.

БАҲОР БЎЛИБ КЕЛИБСАН

Ойдай тўлиб, гулдай очилиб,
Райҳондай хуш ифор таратиб,
Кўнгилларга севинч бахш этиб,
Баҳор бўлиб келибсан, моҳим.

Боқсанг кўнгил яйраб оқади,
Дилда ғаминг бўлса ўгади,
Кўзлар фақат сенга боқади,
Баҳор бўлиб келибсан, моҳим.

Қадамингдан гуллар унади,
Сўзларингдан завқим дўнади,
Хаёлларим сен-ла бўлади,
Баҳор бўлиб келибсан, моҳим.

МУҲАББАТ

Кўнгил, нима истайсан мендан,
Кўй ҳолимга, тўйдим севишдан.
Муҳаббатдан сўз очма ҳаргиз,
Кечдим бутун ёниб куйишдан.

Қайтишини истамам ишқни,
Тугамасин майли ҳижронлар.
Қалбга азоб солса-да соғинч,
Кечдим севги тўла осмондан.

Қарғамайман севгини аммо,
Не бўлса ҳам тақдирдан кўрдим.
Етолмадим севгимга, аммо
Ширин дамлар ёнида турдим.

КЕЧИБ ҚҰЯМАН

Соддагина, ожиз ёрингман,
Ҳар сўзингга кўнар жонингман.
Ёлғонларинг сезсам-да жоним,
Узр, дейсан, кулиб қўяман,
Гуноҳингдан ўтиб қўяман.

Бегонадай боқасан менга,
Парво қилмай ошиқ қалбимга.
Кўнгил ўксиб кечмоқ бўлганда,
Узр, дейсан, кулиб қўяман,
Гуноҳингдан ўтиб қўяман.

Ёрим, сендан осонмас кечмоқ,
Висолингдан буткул айрилмоқ,
Муҳаббатсиз – ишқсиз яшамоқ,
Араз, ноз-ла кулиб қўяман,
Гуноҳингдан ўтиб қўяман.

СЕВМАЙСАН

Сенга ёқмаслигим биламан ўзим,
Негадир сен томон талпинар юрак.
Ўз-ўзимни алдаб қўяман, жоним,
Севади, кутади, орзиқиб, ёрим.

Хузурингга шошаман мудом,
Биламан, ўзгалар ёнингда ҳар дам.
Йўқлигим билинмас сенга сира ҳам,
Севмайсан, кутмайсан орзиқиб, жоним.

Сени қизиқтирмас ўй-хаёлларим,
Билмадим, қалб сендан нимани кутар.
Севдим, деб айтмайсан бериб ваъдалар,
Севмайсан, кутмайсан орзиқиб, жоним.

* * *

Кўксим аро икки дард мавжуд,
Икки юрак, икки ишқ мавжуд.
Икки ошиқ, икки ёр мавжуд,
Юракда-чи муҳаббат мавжуд.

Иккиси ҳам жондайин яқин,
Юрагимга бўлишган ҳоким.
Иккиси ҳам ажойиб куйдай,
Мени мафтун этади бирдай.

Кечолмайман бирор биридан,
Севаман тенг иккисин бирдан.
Эҳ, бечора, ночор юрагим,
Куйиб кетар бу икки ўтдан.

ЮРАГИМДА ИШҚ ЯШАР

Сўзим тинглаб, мени иғво қилаверинг,
Қўлдан келса юрагимни ўяверинг.
Аламингиз бўлса, майли, олаверинг,
Юрагимда бир ишқ яшар, шу ҳам етар.

Парво қилмай яна уни севаман мен,
Қалб тубига унинг билан чўкаман мен.
Бошқаси йўқ, ўша танҳо ишқ уйида,
Ёрим билан яна ёлғиз қоламан мен.

Юракларни солиб бўлмас ўзга йўлга.
Муҳаббатдан кечиб бўлмас бундай йўлда.
Бошим тандан олса ҳамки бирор нокас,
Юрагимда ундан ўзга ҳеч ким бўлмас.

Аламингиз бўлса, майли, олаверинг,
Қўлдан келса юрагимни ўяверинг.
Кўнгил боғин майли, вайрон этаверинг,
Юрагимда бир ишқ яшар, шу ҳам етар.

КЕЧМАГАЙМАН МУҲАББАТДАН

Кўнглингизда неки бўлса қилаверинг,
Ёмонликни ҳар турини қўлдайверинг,
Керак бўлса жонимни ҳам олаверинг,
Кечолмайман, билиб қўйинг муҳаббатдан.

Ёмонликдан толганимда яхшидур ул,
Ифволардан тўйганимда орзудир ул,
Тухматларга қолганимда ҳақиқат ул,
Кечмагайман, билиб қўйинг муҳаббатдан.

Менинг умрим сизга нега қилар алам,
Юрагимда кимлар яшар бўлиб нолам,
Яширмайман ёмонлардан, яхшидан ҳам,
Кечмагайман, билиб қўйинг муҳаббатдан.

* * *

Юрагимни бўлиб минг бирга,
Яқинларим, бергумдир сизга.
Айрилганда ҳар яқинимдан,
Узилади юракдан парча.

Қоматим тик тураверади,
Кўзлар мудом кулаверади.
Айрилиқлар юраккинамни
Ҳар лаҳзада тилаверади.

СОВЧИЛАР

Маҳаллани хўп айланиб совчилар,
Гўзалларни саралашди овчилар.
Аста-аста танлаб неча дилдорлар,
Келин қилмоқ бўлди хола-аммалар.

Бўйу бастин айланишиб кўрдилар,
Гапга солиб, урфи одат қилдилар.
Сочи узун, қаро кўзу камон қош
Бир сулувни бошин боғлаб келдилар.

Қўрқма, синглим, суюкли ёр бўласан,
Бахт уйига бахтли бека бўласан.
Бир йигитнинг бағрига бош қўясан,
Кўплар орзу қилган келин бўласан.

КУТИШ

Кутиш қанча оғир шу лаҳза,
Юрак нотинч, кўнгил паришон.
Соғинч қалбни кемириб бўлган,
Ёлғиз умид сендадир, висол.

Сенла ўтган ҳар бир онимни,
Яхши ёки ёмон чоғимни.
Ёдга олдим, қийнаб жонимни,
Ёлғиз умид сендадир, висол.

Етар, бу кун тугади бардош,
Соғинчлардан эрир ҳатто тош.
Мен тугадим, тушун, бағритош,
Қачон висол бўлади йўлдош.

АТЛАС КҰЙЛАКЛИ ҚИЗ

Атлас кұйлак ичиндаги қадду қомат жон олур,
Нозик белин қучиб турган сунбул сочи жон олур,
Бодом қовоқ, қаро кўзлар, э воҳ, яна минг жон олур,
Қайрилма қош, найза киприк тиғи бирла жон олур.

Бу париваш қадам босса, юришлари жон олур,
Табассум-ла сўзлаб турса, сухани-да жон олур,
Жаранглатиб қаҳ-қаҳ отса, ихтиёрим жон олур,
Тани жонсиз деманглар, оҳ шул нозанин, жон олур.

Олса, майли, олақолсин, ўзим ризо жон олур,
Лабга аста лабин қўйсун, кулиб ўлай жон олур,
Ўлгандан сўнг йиғламанглар асло дўстлар, жон олур,
Шоир кўнгли гўзалликка жон бергуси, жон олур.

АРМОН

Маъюс кўзларингга боққанда, жоним,
Гуноҳкор сезаман ўзимни доим.
Кўнгил майлларин сезмайин нечун?
Хато қилдим, афсус, армонда қолдим.

Бахт экан ёнимда юрганинг сенинг,
Бемаъни ғурурга топширдим қалбни.
Эришганим бўлди файзсиз ҳаётим,
Хато қилдим, афсус, армонда қолдим.

Ортга қайтаролсам қанийди барин,
Йўқотсам-да гарчи бору йўғимни.
Сен томон кетардим баридан кечиб,
Хато қилдим, афсус, армонда қолдим.

Ёмонлар ўз ишин қилиб бўлдилар,
Фитналарга қурбон этиб бўлдилар.
Ҳижронларга қул бўлди соғинчлар,
Хато қилдим, афсус, армонда қолдим.

* * *

Сени ўзим келин қилдим, ҳазилдан,
Салом айтдим, бошинг эгдинг ҳазилдан,
Қалбим тирнаб ўтганида бу ҳазил,
Шунда билдим айрилиқ чинлигини.

Энди тун-кун кутяпман шу кунни,
Бахтдан ёниб, бир озгина ўкинчни,
Аламларни ютиб қувноқ кулгингни,
Бахтлиман деб ҳайқирганинг тўйингни.

Соғинч қалбим ўртасида, майлига,
Ҳижрон бағрим тилкаласа, майлига,
Не бўлса ҳам мен бўлайин, майлига,
Сен бахтли бўл, бахтли бўлсанг, майлига.

* * *

Бунча ҳам ожизман нотаваон, нодон,
Ноиллож яшайман ўксиб-ўксиниб.
Сени йиғлаттанда боқаман кулиб,
Ҳақиқатнинг нега боши ҳам, эгик.

Иложсиз боқаман унинг юзига,
Қулоқ тутаман гоҳ нодон сўзига,
Бошимни эгаман, увол-ку салом,
Ҳақиқатнинг нега боши ҳам, эгик.

Ёмоннинг уруғи бунчалар кўпдир,
Разолат, хусумат, алам биргадир,
Темиринг бунча кўп, ҳамда узундир,
Ҳақиқатнинг нега боши ҳам, эгик.

ТОШГА АЙЛАНДИНГ

Наҳот, шунча ўзгариб кетдинг,
Севгинг ўрнин банд этди алам.
Шеърятга мойил гул кўнглинг,
Наҳот тошга, тошга айланди.

Бир гул синса қалбинг тифлардинг,
Озор етса қушга йиғлардинг.
Муҳаббатдан тинмай сўзлардинг,
Наҳот тошга, тошга айландинг.

Ҳийла-найранг бугун сенга ёр,
Иғво, бўҳтон кўнгилда бисёр.
Дўстларингга берасан озор,
Наҳот тошга, тошга айландинг.

МУНДАРИЖА

Ватаним	3
Сурхон қизи	3
«Ўн беш кунлик дунёда дўстим...»	4
Ҳаёт	5
Таваллуд кун	6
«Ўйланиб қоламан боқиб сизларга...»	7
Севиб қолибсан	8
Қайнонажон	9
Ўкинч	10
Менга ўргат	10
Онажоним	11
«Аёлни баҳорга ўхшатгим келар...»	12
Армон бўлсин ёр	13
Ёшлигим	14
Баҳор бўлиб келибсан	15
Муҳаббат	16
Кечиб қўяман	17
Севмайсан	18
«Кўксим аро икки дард мавжуд...»	19
Юрагимда ишқ яшар	20
Кечмагайман муҳаббатдан	21
«Юрагимни бўлиб минг бирга...»	22
Совчилар	23
Кутиш	24
Атлас кўйлакли қиз	25
Армон	26
«Сени ўзим келин қилдим, ҳазилдан...»	27
«Бунча ҳам ожизман нотавон, нодон...»	28
Тошга айландинг	29

Адабий-бадиий нашр

ЛАТОФАТ ТЕМИРОВА

ЮРАГИМДА ИШҚ ЯШАР

Шеърлар

Муҳаррир
А.ҚУТБИДДИН

Бадиий муҳаррир
Б.БОЗОРОВ

Тех.муҳаррир
Е.ДЕМЧЕНКО

Мусахҳиҳ
А.ТОЖИЕВ

Компютерда саҳифаловчи
Ф.БОТИРОВА

ИБ № 41139

Босишга 21.08.2006й да рухсат этилди. Бичими 84х108 1\32.

Босма тобоғи 1,0. Шартли босма тобоғи 1,68.

Адади 1000 нусха. Буюртма № 194.

Баҳоси келишилган нархда.

«Янги аср авлоди» нашриёт-матбаа марказида тайёрланди.

«Ёшлар матбуоти» босмахонасида босилди.

700113. Тошкент, Чилонзор-8, Қатортол кўчаси, 60.